


Komentar monetarnih kretanja u januaru 2022. godine

Ukupna novčana masa (M2) na kraju januara 2022. godine iznosila je 31,61 milijardu KM, dok je na mjesečnom nivou registrovan rast novčane mase za 94,1 milion KM (0,3%). Rast novčane mase (M2) u januaru 2022. godine rezultat je rasta kvazi novca (QM) za 155,1 milion KM (1,1%) i smanjenja novca (M1) za 61 milion KM (0,3%). Do smanjenja novca (M1) je došlo usljed pada gotovine izvan banaka za 58,5 miliona KM (1,1%) i neznatnog smanjenja prenosivih depozita u domaćoj valuti za 2,5 miliona KM (0,01%). Povećanje kvazi novca (QM) je rezultat rasta prenosivih depozita u stranoj valuti za 154 miliona KM (4,7%) i ostalih depozita u domaćoj valuti za 72,3 miliona KM (2,4%), dok je kod ostalih depozita u stranoj valuti zabilježeno smanjenje za 71,3 miliona KM (1,0%).

Na godišnjem nivou, porast novčane mase (M2) u januaru 2022. godine iznosio je 3,20 milijardi KM (11,2%). Rast je ostvaren kod gotovine izvan banaka za 453,6 miliona KM (9%), prenosivih depozita u domaćoj valuti za 2,22 milijardi KM (21,9%), ostalih depozita u domaćoj valuti za 99,7 miliona KM (3,3%), prenosivih depozita u stranoj valuti za 513,7 miliona KM (17,5%), uz istovremeno smanjenje ostalih depozita u stranoj valuti za 94,1 milion KM (1,3%).



Protustavka rastu novčane mase (M2) na mjesečnom nivou u januaru 2022. godine u iznosu od 94,1 milion KM (0,3%) je rast neto strane aktive (NSA) za 143,7 miliona KM (0,8%) i smanjenje neto domaće aktive (NDA) za 49,6 miliona KM (0,4%). Porast novčane mase (M2) na godišnjem nivou od 3,20 milijardi KM (11,2%) rezultat je rasta neto strane aktive (NSA) za 3,16 milijardi KM (19,6%) i neto domaće aktive (NDA) za 39,9 miliona KM (0,3%).

Monetarni pregled

	Stanje u mil. KM I 2022	Mjesečne promjene u mil. KM			Godišnje stope rasta u %		
		XI 2021	XII 2021	I 2022	XI 2021	XII 2021	I 2022
Aktiva							
1. Neto strana aktiva	19.260,0	185,2	-61,0	143,7	22,0	19,4	19,6
1.1. Strana aktiva	21.119,7	129,2	66,2	54,4	16,9	14,9	15,3
1.2. Strana pasiva	-1.859,7	56,0	-127,2	89,3	-19,1	-16,2	-15,9
2. Neto domaća aktiva	12.349,7	-126,3	512,4	-49,6	-1,6	1,3	0,3
2.1. Potraživanja od centralne vlade (neto), kantona i općina	-199,8	-46,9	82,3	21,2	-336,4	-173,2	-136,8
2.2. Potraživanja od domaćih sektora	19.859,5	52,3	22,6	-127,8	3,4	3,8	3,8
2.3. Ostale stavke	-7.310,1	-131,7	407,5	57,0	5,7	0,7	-0,8
Pasiva							
1. Novčana masa (M2)	31.609,7	58,9	451,4	94,1	11,8	11,6	11,2
1.1. Novac (M1)	17.866,6	57,6	514,0	-61,0	18,6	19,1	17,6
1.2. Kvazi novac (QM)	13.743,1	1,3	-62,6	155,1	4,1	3,0	3,9

Kreditni

Ukupni krediti domaćim sektorima na kraju januara 2022. godine iznosili su 20,93 milijarde KM i u odnosu na prethodni mjesec smanjeni su za 142,7 miliona KM (0,7%). Pad kreditnog rasta registrovan je kod sektora stanovništva za 36,6 miliona KM (0,4%), privatnih preduzeća za 81,4 miliona KM (0,9%), vladinih institucija za 14,7 miliona KM (1,2%), javnih preduzeća za 4,2 miliona KM (0,8%) i ostalih domaćih sektora za 5,7 miliona KM (3,3%).

Godišnja stopa rasta ukupnih kredita u januaru 2022. godine iznosila je (3,5%), nominalno 707,9 miliona KM. Godišnji rast kredita registrovan je u sektorima stanovništva za 523,1 milion KM (5,3%), privatnih preduzeća za 184,5 miliona KM (2,2%), vladinih institucija za 8,7 miliona KM (0,8%) i ostalih domaćih sektora za 12,2 miliona KM (7,8%). Smanjenje kreditnog rasta na godišnjem nivou registrovano je kod nefinansijskih javnih preduzeća za 20,6 miliona KM (3,9%).

Sektorska struktura kredita u BiH

	Stanje u mil. KM I 2022	Mjesečne promjene u mil. KM			Godišnje stope promjene u %		
		XI 2021	XII 2021	I 2022	XI 2021	XII 2021	I 2022
Ukupno	20.934,6	53,7	22,2	-142,7	3,2	3,6	3,5
Od toga:							
Stanovništvo	10.399,0	35,0	-5,6	-36,6	5,2	5,5	5,3
Privatna preduzeća	8.695,4	0,0	15,0	-81,4	1,6	2,2	2,2
Vladine institucije	1.165,5	4,5	4,3	-14,7	0,6	1,6	0,8
Javna preduzeća	506,5	18,7	-1,4	-4,2	-2,0	-4,7	-3,9
Kreditni ostalim domaćim sektorima	168,4	-4,4	9,9	-5,7	5,0	4,0	7,8

Devizne rezerve

Devizne rezerve Centralne banke BiH na kraju januara 2022. godine iznosile su 16,44 milijarde KM. U odnosu na prethodni mjesec, devizne rezerve Centralne banke BiH su povećane za 94,4 miliona KM (0,6%), dok je na godišnjem nivou registrovan porast za 2,68 milijardi KM (19,5%).